

# 中風

張渙等方有中風方論今見小兒絕無患者而用藥  
多犯香燥恐血熱生風類中風證誤用之則爲害不  
淺故一切削而不載薛氏云中風之證西北方有之  
東南氣溫腠理疎泄人患之者皆類中風也况小兒  
元氣未充皮毛不固易虛易實外邪乘之則壯熱抽  
掣氣麤涎涌甚至昏愢口噤卽似中風悞以續命等  
湯投之多至不救大人且無真中况小兒乎凡有前  
證當辨其因若陽明經氣虛風邪所乘筋脉拘急者



爲外因足厥陰肝火熾盛筋脉偏急者爲內因脾肺  
虛弱腠理不密外邪乘入或驚風過服金石之劑耗  
損肝血或吐瀉後內亡津液不能養肝致口眼喎斜  
者皆肝血不足肝火生風之類中風之類證也

# 角弓反張

錢肝有風甚則身反張強直不搐心不受熱當補腎  
治肝補腎地黃丸治肝瀉青丸 丹溪云痙比癇爲  
虛宜帶補多是氣虛有火兼痰用人參竹瀝治之不  
用兼風藥此論實發前人所未發湯氏雖云痙候十  
無一生蓋未嘗有此法施於人也 薛錢仲陽曰角  
弓反張者由風邪客於太陽經也經曰風從上受足  
太陽主周身之氣其脉起於目内眥而行於背肝屬  
木主風所以風邪易侵也夫小兒肌膚未密外邪易

傷肝爲相火其怒易發若身反張強直發熱不搐者  
風傷太陽也宜用人參羌活散小續命湯若因暴怒  
而擊動其肝火者宜用瀉青丸若飲前劑其證益甚  
者此邪氣已去而脾氣虧也宜用異功散加芎歸補  
之若因肝經虛熱或因尅伐真氣虛熱生風者宜用  
異功散地黃丸補之若因下而脾氣困憊腹肚膨脹  
者此中氣損也宜用白朮散補之若氣血素弱或服  
攻伐之劑而手尋衣領咬牙呵欠者肝經虛甚也急  
用地黃丸以補之仍與肝藏參覽

一小兒忽腰背

又張目上視面青赤曰青屬肝主風赤屬心主火此

風火相搏用柴胡梔子散倍加釣藤鈎頓安而痰如  
舊又用抱龍丸而愈 一 小兒忽腰背反張服治驚  
之藥後不時舉發面色黃白肢體甚倦余用五味異  
功散十餘劑而愈後因驚兼飲食不節不時舉發隨  
用前藥卽愈遂日以參朮末每服五七分炮薑大棗  
煎湯調下服至二兩而不發已上二證元氣虛而病  
氣實也若用攻邪之藥皆誤矣 一 小兒素患前證  
疾盛面色素白而兼青余謂肺氣不能平肝肝氣乘  
脾脾氣虛而生痰耳先用抱龍丸二服以平肝隨用  
六君子湯以補脾肺月餘而痊半載之後復發謂非

逐痰不能全愈遂用下劑痰涎甚多而咽喉如鋸聲  
余曰乃脾不能攝涎也咽間鳴乃肺氣虛甚也遂用  
人參伍錢炮薑叁分水煎服而醒至第四劑後加棗  
貳枚人參服數兩而愈後每發非獨參湯不應若執  
常方鮮有不誤者

人參羌活散 方見驚搖

小續命湯 方見雜病中風

瀉青丸 方見肝藏

異功散 方見吐瀉

胡梔子散 方見積熱

抱龍丸 方見驚搖

心子湯 方見吐瀉


反張鼻

入際三分灸三壯

大椎下節

間灸三壯

**診**湯氏曰身軟時醒者爲癘身強直反張如弓不時醒者爲瘳瘳候十無一生





# 搖頭

湯肝風搖頭諸方不載鄭都丞子患七年搖頭三年下血已服百餘方前後所服治搖頭者無非風藥止血者或作痢或作腸風百藥無效予既視其病又知其詳亦不明其標本退而思之乃肝血液盛外有風熱乘之肝屬木盛而脾土爲木所尅脾與肺是子母俱爲肝所勝而血遂漬於大便故便血不止遂處一方但損肝祛風而益脾初亦一時之見只數服而愈十餘日後血止而下白膿遂得以安

清肝益胃丸

犀角屑

甘草 各壹分

瓜蒌根

黃耆 蜜炙

羌活

白芍藥 各半兩

蛇退皮 炙赤

釣藤鈎

麻黃 去節各壹錢

防風 伍兩

右爲末棗肉丸食後薄荷湯下只二服作効頭搖  
卽止便血隨愈次間服胃風湯數日頓除沈舍人  
子服之亦驗

薛經曰諸風掉眩皆屬肝木木得風則搖動乃肝經

火盛而生虛風也便血者風木搖動則土受凌虐而

不能統血也或食酸味過多以益其脾致令陰結經  
曰結陰者便血一升再結二升三結三升又邪在五  
藏則陰脉不和陰脉不和則血留之結陰之病陰氣  
內結不得外行滲入腸間故便血也血亦有乳母恚  
怒風熱熾盛或肝木傷脾使清氣不升或風邪侵入  
大腸者治法若因風熱用柴胡清肝散若因怒火用  
加味小柴胡湯若清氣不升脾氣下陷者用補中益  
氣湯若風邪侵於大腸者用清肝益胃丸肝經血熱  
妄行者用六味地黃丸脾土不能培肝木者用六君  
柴胡釣藤鈎肝木勝脾土者用四君芍藥釣藤鈎結

陰者用平胃地榆湯 一小兒傷風咳嗽痰湧余謂

脾虛肺弱腠理不密風邪外乘用六君子湯加桔梗

桑皮杏仁而愈後飲食停滯作瀉腹脹仍用六君子

加山查厚朴而安又停食作瀉服消導之藥更加咳

嗽余謂當調補脾土不信自用發表尅滯前證益甚

更加搖頭余以天麻散倍加釣藤鈎及異功散而愈

一小兒項間結核面色痿黃肌體消瘦咬牙抽搐

頭搖目劄此肝木尅脾土也用六君子湯及九味蘆

薈丸頓愈 一小兒病後遇驚卽痰甚咬牙抽搐搖

頭作瀉恪服腦麝朱砂等藥以致慢驚而卒

海食療云蛇蛻皮主去風邪明目治小兒一百二十  
種驚癇寒熱疔蠱毒安胎熬用 治癇弄舌搖頭者  
宜用全蛻

余猶憶少時聞友人孫彭山云嘗見姻家一小兒患  
驚搖延專科治之諸證悉退而搖頭不止後一老醫  
至於常服藥中加入紫河車卽時愈按紫河車草名  
神農本經名蚤休唐本名金線重樓錢氏方名白甘  
遂主治驚癇搖頭弄舌乃本經正文古人謂遵白字  
療病多効不虛也

抄

公  
和

三

# 偏風口噤

薛小兒偏風者屬少陽厥陰肝膽二經證也噤者筋急由風木太甚而乘於脾以勝水濕則筋太燥然燥金主於收斂勁切故也又曰風之爲病善行而數變或左或右其因一也治須審而藥之若足陽明胃經氣虛風邪所乘其筋脉偏急者屬外因若足厥陰肝經風熱乘脾筋脉偏急者屬內因若脾肺虛弱腠理不密外邪所乘或服金石之劑耗損肝血或吐瀉後內亡津液不能養肝致口眼歪斜或半身不遂諸證

皆屬肝血不足肝火生風宜滋腎水養肝血壯脾土  
治法脾胃虛而動風者異功散加柴胡釣藤鈎脾肺  
虛而外邪所乘者用釣藤飲肝火血燥者用六味地  
黃丸津液不足者用白朮散若兼目緊上視寒熱往  
來小便淋漓面色青潔兩脇脹痛之類皆肝經之本  
病也或唇口歪斜腹痛少食目胞浮腫面色青黃肢  
體倦怠之類皆肝木乘脾之證也當審五藏相勝而  
主之設執其見證槩投風藥反成壞證者有矣一  
小兒口眼喎斜面色或青或赤此肝心風火乘脾也  
朝用柴胡清肝散夕用異功散加釣藤鈎而愈其時



有患前證服祛風導痰之藥者皆不能起 一小兒  
痢後患前證發搐面色痿黃肢體倦怠此元氣虛尅  
伐多矣余用補中益氣湯加釣藤鈎子服而漸愈後  
因乳母七情飲食失宜或兒乳食過多前證仍作服  
補中益氣湯五味異功散而愈

**錢全蝎散** 治小兒驚風中風口眼喎斜言語不正

手足偏廢不舉

全蝎 去毒炒

僵蠶 直者炒

川芎

黃芩 去心

甘草

桂枝

赤芍藥

麻黃 去節各壹兩

天麻 陸錢

大南星

湯泡 柴次去皮 臍切焙乾伍錢

右爲麤末每服三錢水一鍾半薑七片煎七分温服無時量大小與之一日三四服忌羊肉

胃風湯 治風冷乘虛入客腸胃水穀不化泄瀉注

下及腸胃濕毒下如豆汁或瘀血日夜無度

人參

白茯苓

芎藭

肉桂

當歸

白芍藥

白朮

各等分

右爲散每服二錢入粟米數粒同煎食前服

# 口喎失音

論見前中風條

硃砂丸 治小兒口眼喎斜筋脉牽引

硃砂 伍錢

全蝎 炒

天麻

白附子 炮

僵蠶 炒去絲嘴

乾薑 炮

牛黃 各伍分

麝香 壹分

右爲末粳米糊丸如黍米大每服三十九用薄荷

湯不拘時化服

全蝎散 治小兒口眼喎斜語言不清

全蝎 炒

川芎

黃芩

殭蠶炒去絲嘴

赤芍藥

甘草

硃砂

南星湯泡去皮臍焙

天麻各參錢

右為細末每服一錢用生薑湯不拘時調服

寬氣飲 治小兒風痰壅滿風傷於氣不能言語

枳殼去穰壹兩

人參去蘆伍錢

天麻

殭蠶炒去絲嘴

羌活

甘草炙各參錢

右剉碎每服二錢用水一盞生薑三片煎五分不

拘時服

木通湯 治小兒血滯於心心竅不通語言不出

木通

石菖蒲多用

防風

枳殼

全蝎

殭蠶炒

甘草

木香

南星炮各等分

右剉碎每服二錢用水一盞豬心三片生薑一片  
紫蘇五葉煎至五分不拘時服



# 天釣

內釣附

天釣亦驚風之證但天釣發時頭目仰視驚風則無也

湯小兒瘈瘲不定翻眼擡睛狀若神祟頭目仰視名為天釣凡有此疾宜服蘇合香丸灸兩手大拇指兩甲肉相半男先灸左女先灸右及兩足大姆指中間各三五壯又灸前後手心各五壯此皆得効之法  
九龍控涎散 治天釣

赤脚蜈蚣 酒塗灸  
壹條

滴乳

天竺黃 二味另研 各壹錢

臘茶

雄黃 另研

甘草 炙各 貳錢

荊芥穗 炒

白礬 枯各 壹錢

藜豆 半生半炒 壹百粒

右為末每服半錢人參薄荷湯調下

釣藤飲 治天釣潮熱

釣藤

人參

犀角屑 各半 兩

全蝎

天麻 各貳 分

甘草 半 分

右為末每服一錢水煎服

張小兒心膈壅滯邪熱痰涎蘊積不得宣通或乳母

酒食肉煩毒之氣流入乳中令兒宿滯不消邪熱



毒氣乘於心神致使驚悸眼目翻騰壯熱不休四肢  
痠癢其病名曰天釣甚者爪甲皆青狀如神祟今集  
經効名方治之於後

一字散 醒風爽精神

天南星

半兩微炮裂

蟬殼

微炒

乾蝎

白殭蠶

各壹分

右件搗羅爲細末次入蕎麥麩壹分用醋石榴殼  
壹枚將諸藥入在石榴殼內以鹽泥封裹於竈下  
慢火上燒之泥乾燥爲度取出再研勻每服壹字

溫酒調下

雙金散 治天釣驚風目久不下

蜈蚣

壹箇去頭足尾用真酥塗慢火炙黃置砧子上面南立用竹刀子當脊縫中亭利作

兩半箇左邊者入一貼子內寫左字右邊者亦入一貼子內寫右字不得交錯即大誤矣

麝香

壹錢細研先將左邊者同於乳鉢內研作細末却入在左字貼內收起別用乳鉢將

右邊字者入麝香同研極細却入右字貼內收不得相犯每有病者眼睛釣上止見白睛兼角弓反張更不能出聲者

右用細葦筒子取左字貼內藥少許吹在左邊鼻

裏右亦如之用藥不可多若眼未全下更添些小

以意量度其眼隨手便下即止

生黃散 清心截風

牛黃半兩  
細研

硃砂水飛

麝香

天竺黃並細研

蝎稍

釣藤俱為末  
各壹分

右件一處研勻每服壹字新汲水調下

白銀丹 治驚風涎潮

天南星壹兩一半炮  
一半生用

白殭蠶半兩

全蝎各壹分

牛黃研

麝香研

粉霜各半分已上搗羅為細末  
次用牛黃等同研勻用

水銀半兩者煮青州棗肉貳拾  
箇同研水銀星盡成膏

右都和上件藥石白內搗一二百下如黍米大每

服五粒至七粒薄荷湯下

抵聖丹 治驚風胸膈不利乳食不下

錫恡脂 壹兩細研水飛 淘去黑水令盡

牛黃 研

鉛霜 細研

熊膽 各壹分研

麝香 半分研

蟾酥 壹錢研

右件通研勻粳米飯和如黍米大每服五粒至七

粒新汲水下

薛氏法

薛天鈞者發時頭目仰視驚悸壯熱兩目反張淚出不流手足搐掣不時悲笑如鬼祟所附甚者爪甲皆

青蓋因乳母厚味積毒在胃致兒心肺生熱痰鬱滯

或外挾風邪為患法當解利其邪用釣藤飲上氣喘

麤者用烏蝎四君子湯內釣者腹痛多喘唇黑囊腫  
僵僂反張眼尾赤此胎中受風及外驚所致若內藏  
抽掣作痛狂叫或泄瀉縮腳內證一作外證亦然極  
難調理內證服聚寶丹外證服釣藤飲進乳食者可  
治若腹痛唇黑囊腫之類用聚寶丹若外驚內藏抽  
搐之類用釣藤飲若因乳母醇酒厚味積毒在胃用  
加味清胃散若因乳母鬱怒積熱在肝用加味逍遙  
散加味歸脾湯俱加漏蘆子母俱服凡母食膏粱厚  
味飼兒之時先擠去宿乳然後吮之 一小兒因乳  
母受驚發搐時目赤壯熱腹痛哭而曲腰用四物加

柴胡防風又用加味逍遙散加熟地黃以清肝熱生  
肝血再用地黃丸滋腎水以生肝木母子俱安一  
小兒曲腰而啼面青唇黑此寒氣所乘內釣腹痛也  
用五味異功散加木香乾薑一劑與母服之頓愈後  
因母感寒腹痛而啼用人參理中湯一劑與母服其  
子亦安一小兒曲腰乾啼手足並冷用六君加乾  
薑木香服之未應又加肉桂母子俱服而愈一小  
兒忽乾啼作瀉睡中搖手足冷此肝木侮  
之而作發搐乃內釣也用益黃散一劑而安用四君  
加柴胡升麻乳食漸進而安一小兒乾啼面青或

赤手足並熱或用清熱之劑久不愈診其乳母有肝  
火氣滯用加味道遙散及越鞠丸以治其母時灌子  
數滴不旬日子母並愈 一小兒患前證服魏香散  
而愈後復作服祛風鎮驚之藥上氣喘麤此元氣虛  
寒也余先用烏蝎四君子湯稍愈但倦怠殊甚用補  
中益氣湯及五味異功散而痊 一小兒因母每感  
寒腹痛飲燒酒發熱痰盛面赤手足並熱屬胃經實  
熱之天釣也用清胃散子母服之並愈後因傷乳吐  
瀉面色或青或白手足並冷屬脾氣虛寒用六君木  
香乾薑而愈三歲後傷食腹痛唇黑作瀉數去後而

無糞或糞少而青此氣虛寒下陷用補中益氣湯漸  
愈 一小兒啼哭陰囊腫大眼目上翻赤脉流淚此  
肝熱內釣用柴胡清肝散加釣藤鈎治之諸證漸愈  
又用釣藤飲而痊後復發或用祛病根之藥致乳食  
日少肚中脹痛手足浮腫余先用六君升麻柴胡數  
劑諸證稍愈又傷乳食吐瀉用平胃散一服卽愈  
一小兒因乳母懷抱鬱結腹痛發搐久而不愈用加  
味歸脾湯加漏蘆母子並服漸愈又母大怒發厥而  
甦兒遂食乳腹痛作瀉面青作嘔先用小柴胡湯二  
劑母子並服少愈其母又患酸腹脹川越鞠丸加味



歸脾湯佐以加味逍遙散而痊

釣藤膏

魏香散

二方並見腹痛

釣藤飲 治小兒臟寒夜啼陰極發躁此方主之

釣藤

茯神

茯苓

川芎

當歸

木香

甘草

芍藥

各壹錢

右為末每服一錢薑棗水煎若心經熱臉紅舌白小便赤澀用釣藤飲去木香加硃砂末壹錢木通

湯下

釣藤飲

治天釣風搖

天釣

刀斗

百

釣藤

犀角

天麻

各柒分

全蝎

伍箇

木香

甘草

各伍分

右作一服水一鍾生薑三片煎至五分不拘時服

釣藤飲子

治驚風天釣卒然驚悸眼目翻騰

釣藤

炒伍分

麻黃

去節

甘草

炙各叁分

天麻

川芎

防風

人參

各柒分

全蝎

炒去毒伍箇

殭蠶

炒柒箇

右作一服水一鍾生薑三片煎至五分不拘時服

乳香丸

治驚風內釣腹痛驚啼

乳香

半錢

沒藥

沉香

各壹錢

蝎稍拾肆箇

雞心檳榔壹錢半

右為末蜜丸桐子大每服二三錢菖蒲釣藤鈎煎湯下

木香丸 治全前

木香

全蝎各伍分

沒藥

懷香

釣藤鈎各壹錢

右各別為末以大蒜研爛和丸桐子大曬乾每服二丸釣藤煎湯下

牛黃丸 治小兒一切驚風五癇天釣客忤痰涎四肢抽掣

肢抽掣

白花蛇酒浸取肉

白附子

全蝎

川烏壹隻重半兩生用去皮臍

天麻

薄荷葉各半兩已上先為細末次入

雄黃半兩

辰砂叁錢  
牛黃壹錢

麝香

片腦各半錢另研

右件為細末一處和勻麻黃去節貳兩酒壹升煎麻黃至一盞去麻黃川酒入蜜少許熬成膏劑前藥末為丸如芡實大用金箔為衣每服一丸用薄荷湯化下大能發散風邪

塗頂膏 治天釣風備急

烏頭生用去皮臍

芸臺子各錢

右爲末每用壹錢新汲水調敷兒頂上

大漿子散 治小兒天釣驚風

天漿子炙

蝎稍

犀角屑

丹砂另研

雄黃另研

附子去皮臍

南星炮去皮

白附子

半夏

水銀另研

乳香另研

白殭蠶

膩粉另研

牛黃另研各壹錢

麝香壹字另研

銀箔伍片另研

右爲細末和勻每服壹字用薄荷湯調下量兒大

小加減服

青黛丸 治小兒天釣客忤五疳八痢十二種驚癇

青黛

天竺黃

乾蝦蟇

壹箇黃泥包裹

燒赤去泥

乾蝸牛殼

黃連

人參

地龍 去土

釣藤 炒

龍膽草

各貳錢半

蘆薈

熊膽

各半兩

牛黃

麝香

雄黃

丹砂

各壹錢

夜明沙

去土淨

胡黃連

各叁錢

右爲細末蒸餅糊爲丸如麻子大一歲三丸空心

米飲湯送下

再生散 治小兒天釣驚風潮搐項筋緊張手足厥

冷

烏蛇

酒浸取肉

天麻

南星

炮去皮

全蝎

炒去毒各貳錢半

麝香

膩粉

各伍分

丹砂

貳錢另研

牛黃

另研

白附子

炮各壹錢

右為細末和勻每服半錢煎金銀薄荷湯調下量

兒大小加減服

三白散 治小兒盤腸氣釣先服此藥後服釣藤膏

白牽牛

壹兩炒

白朮

桑白皮

陳皮

木通

各叁錢

右爲細末每服半錢川生薑湯調不拘時服  
廣利方治癩迷嚼舌仰視牛黃大豆許和蜜水調